



UNIVERSITÄTS-
BIBLIOTHEK
PADERBORN

Paraphrasis Psalmorvm Davidis Poetica

Buchanan, George

Argentorati, M. D. LXVIII.

VD16 B 3125

Psal. LXVI. Iubilate Deo omnis terra, &c. Carm. gen. 19.

[urn:nbn:de:hbz:466:1-69145](#)

Vt canat festa tibi feriatus

Carmen in umbra.

PSAL. LXVI. Iubilate Deo omnis terra, &c.

Carm gen. 19.

Incolæ terrarum ab ortu

Solis, ultimum ad cubile,

Eia Domino psallite,

Eia Domino iubilate:

Nomen eius, numen eius

Ferte in astra laudibus.

Dicite illi, Rector orbis

Sancte, quam stupenda rerum

Est tuarum gloria!

Quanta uirtus! qua proteruos

Mente fracta cogis hostes

Suplices procumbere.

Te parentem læta honoret,

Te potentem prona adoret

Tota rerum machina.

Voce blanda te canamus,

Barbito dulci sonemus,

Carminumq; cantibus.

Eia adeste, facta cunctis

Cernite admiranda sœclis:

Acri terq; expendite

Facta prouidi parentis,

Facta Domini consulentis

Arte mira seruulis.

Vertit æquor æstuosum

Aridæ

Aridæ in campos arenæ.

Fluminis per alueum

Agmen ire gratulantum,

Ceu per arua sicca, fecit,

Stante fluctu languido.

Frenat unus orbem habenis

Sempiternis: intuetur

Etpios & impios.

Nec sinit sibi rebelles

Viribus fretos superbis,

Improbis uotis frui.

Laus Deo nostro per omnes

Orbis oras: omnis unum

Laudet illum natio.

Morte liberauit unus

Nos propinqua: fulcit unus

Liberos firmo gradu.

Igne ut aurum, examinasti

Nos periclis: illigasti

Hostium nos cassibus.

Vincla lumbis, frena malis

Sub tyrannis induisti

Impotentis imperi:

Sed per ignes, sed per undas,

Divitis tamen dedisti

Vber agri exercitis.

Ergo supplex introibo

Templa, uictimasq; cædam:

Vota supplex offeram,

Vota duris in periclis

Nuncupata: pinguis agnus,

Corni-

Cornigerq; agni parens,
 Bos & hircus sanguine aras
 Imbuent:nec tura deerunt
 De Sabæo stipite.
 Dum Dei benignitatem
 Explico in me, cuncti adeste,
 Qui Dœum ueremini.
 Audit statim uocantem:
 Nos uocantes audientem
 Prosequamur laudibus.
 Conscios Iceleris nefandi
 Supplicantes rector orbis
 Aure surda respuit:
 At mihi lenis bonusq;
 Supplicantи semper aurem
 Non feueram commodat,
 Gratias ago parenti
 Optimо, qui se roganti
 Asperum non præbuit:
 Qui sua benignitate
 Destitutum non reliquit
 Rebus unquam in asperis.

PSAL. LXVII. Deus misereatur nostri,
 etc. Carm. gen. 5.

A Rbiter mundi, placidus bonusq;
 Parce delictis, solito & fauore
 Terra fac lætis segetem pecusq;
 Nutriat aruis.
 Nota per terras bonitas ut omnes
 Sit tua, & nostræ studium salutis,
 Mente